


Bibiliya y'abana
irerekana

Ingendo
zihebuje Pawulo
yakoze



yanditswe na: Edward Hughes

yashushanyijwe na: Janie Forest
Alastair Paterson

yahujwe na: Ruth Klassen

yahinduwe na: Margaret Mbabazi

yasohowe na: Bible for Children
www.M1914.org

©2026 Bible for Children, Inc.

Ufite uruhusa rwo gucapa no gukora kopi y'iyi nkuru
igihe cyose utagamije kugurisha.





Pawulo na Silasi, abagaragu ba
Yesu, bari muri gereza.

Oya, nta kibi bari barakoze -
bari barirukanye umudayimoni
wari mu mugore.

Bagaragaje imbaraga
z'Imana y'ukuri n'Umwana
wayo Yesu, ku bantu b'i Filipi
basengaga ibigirwamana.

Kubera iyo
mpamvu,
barafashwe,
barakubitwa,
kandi barafungwa.






Ushobora kuba witeze ko Pawulo na Sila bari kurakara no kugira inzika. Ariko si ko byagenze. Mu by'ukuri, mu gicuku baricaraga bakaririmba indirimbo zo gusingiza Imana! Imfungwa n'umurinzi wa gereza bose barabyumva.



Mu buryo butunguranye, kuririmba birahagarara.
Imana yohereje umutingito kugirango uzunguze
gereza. Imiryango yose yarakinguwe. Iminyururu
ya buri wese yararekuwe.






Uwo murinzi w'inzu y'imbohe yumvaga ko imfungwa zose zari zatorotse bitewe n'uwo muvurungano. Iyo hagiraga n'umwe utoroka, umurinzi w'inzu y'imbohe yahanishwaga urupfu. Ikibabaje ni uko uwo murinzi w'inzu y'imbohe yasokoye inkota. Agerageza kwiyahura maze akabyirangiriza.




Ariko Pawulo atera hejuru cyane, aramubwira ati "Uramenye ntiwigirire nabi, twese turi hano". Umurinzi w'inzu y'imbohe abonye ibyo, aramubaza ati "Batware, nkore iki ngo nkire?" Baramusubiza bati "Izere Umwami Yesu, urakira ubwawe n'abo mu rugo rwawe". Uwo murinzi w'inzu y'imbohe yarishimye cyane.





Ku munsu wakurikiyeho,
Pawulo na Sila
barafunguwe maze bajya
mu yindi migi myinshi,
babwira abantu ibya Yesu.
Bamwe barabyemeye,
abandi bagerageza
kubagirira nabi.






Ariko kandi, Imana yari kumwe n'abagaragu bayo. Ijoro rimwe, Pawulo yamaze amasaha menshi abwiriza. Umusore wari wicaye ku idirishya ryari rikinguye yasinziriye. Ushobora kwiyumvisha uko byagenze.




Abantu bose bari
bazi ko uwo musore
yapfuye. Ariko
Pawulo aramanuka
amufata mu maboko,
aravuga ati "ubugingo
bwe buri muri we".
Nuko uwo musore
bamuzana ari muzima,
ibyishimo biba byose.



Pawulo na Sila babonye ibintu byinshi bishishikaje mu rugendo bakoze mu Burayi. Kimwe mu bintu bikomeye cyane byabaye kuri Pawulo, byabaye igihe yari mu bwato. Ayo mato ntiyari amato y'ibyuma, ahubwo yari amato y'ibyuma, yajyaga anyura ahantu hatandukanye mu gihe cy'imvura.





Paul yari mu bwato kuko yari yongeye gufatwa. Noneho yagombaga kujya imbere y'umwami w'abami i Roma, umurwa mukuru w'isi. Umuyaga mwinshi watumye ubwato buhagarara. Byasaga n'aho imvura yari igiye kugwa. Urwo rugendo ntirwari rworohye Pawulo n'izindi mfungwa, ndetse n'abo bari kumwe bose.



Pawulo yatanze umuburo agira ati
"bagabo, ndabona uru rugendo rugiyeye
kuzamo amakuba". Kapiteni ntiyigeze
abatega amatwi. Nuko bajya mu
nyanja. Ubwo inkubi y'umuyaga
ikaze yari ibateye, abasare
bafata imigozi
bayihambira ku
bwato, biringiye ko
ubwo bwato
butazarohama.
Ubwato

nibusaduka, biraba arinva
yamazi kuri twese.



Ubwato bwarimo umuyaga mwinshi ku buryo kapiteni yategetse buri wese gufasha mu kubworohereza. Ku munsi wa gatatu, na bo ubwabo batangira kujugunya mu nyanja ibikoresho by'ubwato. Wenda ibyo byafasha.



Mu ijoro, umumarayika yahagaze iruhande rwa Pawulo amubwira ko ibintu byose bizagenda neza. Nuko abantu bose bagira ubutwari, Pawulo arababwira ati "Nimukomere, kuko nizeye Imana yuko bizaba uko nabwiwe. icyakora tugomba kuzagwa ku kirwa".




Hashize iminsi mike nyuma y'aho, ubwo bwato bwarohamye hafi y'ikirwa cya Malita. Yaguye mu mazi y'ibitare ari hasi cyane, maze burasenyuka.


Umutware w'abasare ateguka ko abazi koga babanza gusimbuka bakajya ku nkombe. n'abandi bagerayo, bamwe bakoresheje ibyuma, abandi bakoresheje ibisigazwa by'ubwato.



Ku kirwa cya Malita, Imana
yagaragaje imbaraga zayo.
Igihe barimo batoragura
inkwi zo gutwika, inzoka
y'impiri yaramurumye.
Abantu batekerezaga ko
yari kuzapfa.



Ariko kandi, iyo nzoka nta cyo yamutwaye. Hanyuma, abantu batekereje ko Pawulo yari imana. Abarwayi benshi barazaga, kandi Imana yarabakizaga Pawulo amaze kubasabira.



Amaherezo Pawulo yageze i Roma. Byasabye imyaka irenga ibiri kugira ngo urubanza rwe ruburanishwe. Muri icyo gihe cyose, Pawulo yakodeshaga inzu kandi yahabwaga abashyitsi. Ese waba uzi icyo Pawulo yabwiye abo bashyitsi? Ubwami bw'Imana!




Umwami Yesu Kristo!
Pawulo yari umugaragu w'Imana igihe yari i Roma, nk'uko byari bimeze mu zindi ngendo ze zose.



Igihe Pawulo yari i Roma, yaranditse ati "narwanye intambara nziza, narangije urugendo, narinze ibyo kwizera". Bibiliya ntitubwira uko ubuzima bwe bwarangiye, ariko indi nyandiko ivuga ko Pawulo yaciwe umutwe i Roma ku itegeko ry'Umwami w'abami Nero. Pawulo yapfuye ari umugaragu

w'Imana w'indahemuka, abwira abandi ibya Yesu Kristo.



Ingendo zihebuje Pawulo yakoze
inkuru yo mu Ijambo ry'Imana, Bibiliya

Yavuye mu gitabo cya

Ibyakozwe n'Intumwa 16, 27, 28

"Guhishurirwa amagambo yawe bizana umucyo."
Zaburi 119:130






Iherezo



59



60



Iyi nkuru itubwira iby'Imana yacu
nziza yaturemye kandi ishaka ko tuyimenya.

Imana izi ko twakoze ibintu bibi, yita icyaha. Igihano cy'icyaha ni urupfu, ariko Imana iragukunda cyane kuburyo yohereje umwana wayo w'ikinege, Yesu, apfira ku musaraba maze ahanwa kubw'ibicumuro byawe. Hanyuma Yesu arazuka, ajya mu rugo mu ijuru! Niba wizera Yesu kandi ukamusaba imbabazi z'ibyaha byawe, azabikora! Azaza, abe muri wowe, kandi uzabana nawe ubuzira herezo.

Niba ushaka kuva mu byaha byawe, bwira Imana uti:
Ku nshuti yanjye Mana, Nizera ko Yesu ari jye yapfiriye kandi ko uyu munsi ari muzima. Ndakwinginze ngwino mu buzima bwanjye, mbabarira ibyaha byanjye, kugira ngo none aha mbashe kubona ubuzima bushya, kandi umunsi umwe nzaze kubana nawe ubuzira herezo. Mfasha kukumvira no kubaho ku bwawe nk'umwana wawe. Amina.

Soma Bibiliya maze uvugane n'Imana buri munsi! Yohani 3:16

